

秦地圖

金谿王 謨仁甫輯

劇清地幽州藪

班氏

按史記蕭何入咸陽收丞相御史圖書藏之漢王所以具知天下戶口阨塞多少強弱處民所疾苦者以得此圖書也獨計當日秦分天下三十六郡漢因秦制稍復開置故府圖書宜無不在而班固撰地理志獨於瑯琊郡長廣縣下引秦地圖曰劇

清地幽州藪於代郡班氏縣下引秦地圖書班氏
其他郡縣概未有聞豈遂皆無可考歟而玉海引
禹貢疏言獫狁之澤參諸秦地之圖則是秦地圖
因有獫狁澤也水經注引孫暢之迹畫有督亢地
圖言燕太子丹使荆軻齎入秦秦王殺軻圖亦絕
滅是亦秦地圖書故事而其實則久亡矣今故仍
從漢志鈔出二條以爲秦地理書之一驗



漢輿地圖

金谿王 謨仁甫輯

浮苴井去九原二千里

史記匈奴傳索隱引此云見漢輿地圖

呂伯恭漢輿地圖序曰輿地之有圖古也自成周

大司徒掌天下土地之圖以周知廣輪之數而職

方氏之圖復加詳焉迨漢滅秦蕭何先收其圖書

始具知天下阨塞戶口多少之差然則尚矣武帝

元狩六年將立三子為王御史大夫奏輿地圖請


所立國名乃開齊燕廣陵之封輿地圖之名至是

始見史遷之所載可考也光武皇帝之徇河北鄧禹杖策而從之說以大策有天下不足定之語其後帝登城樓披輿地圖指示禹曰天下郡國如是今乃得其一子前言天下不足定何也禹復申其說蓋光武志在天下當神州赤縣未入經畧之際其君臣更相激厲如此故能兼制六合司空之所掌無寸地尺天不歸於封域案圖分封並建諸子以爲蕃屏嗚呼盛哉

按史記三王世家議令史官擇吉日具禮儀上御

史漢輿地圖索隱云謂地爲輿者天地有覆載之德故謂天爲蓋謂地爲輿故地圖稱輿地圖乃自古有此名非漢始也又淮南列傳王日夜與伍被左吳等案輿地圖部署兵所從入下索隱又引志故云輿地圖漢家所畫非出遠也三說不符要之各朝皆有地圖其稱輿地圖當自漢始顏師古於注漢書地理志引秦地圖今司馬貞史記索隱於匈奴傳引漢輿地圖則是此二圖在唐初二人猶及見之其後始亡他書不見稱引不知伯恭呂氏

安所得漢地圖而序之然亦無以斷其必未得見今故引列秦漢地理書首並錄呂序于後



中興地理圖

齊姑蘇天

古



應劭地理風俗記

番禺邱先德滋奮參

金谿王謨仁甫輯

敦煌酒泉其水甘若酒味故也張掖言張國臂掖以威羗狄

圓陰縣西五十里有鴻門亭天封苑火井廟火從地中出

大陽城南大河之陽也

河南平陰縣故晉陰地陰戎之所居故平城之南故

曰平陰也

修縣東四十里有安陵縣故縣也

甘陵郡東南十七里有清河故城者世謂之鵲城也
甘陵故清河清河在南一十七里今於甘陵縣故城
東南無城以擬之直東二十里有艾亭城東南四十
里有此城疑卽清河城也

饒安縣東南三十里有定鄉城故縣也

平原漯陰縣今巨漯亭是也

南陽有朝陽縣故加東

漯水東北至千乘入海河盛則通津委海水耗則微
涓絕流

原博平也故曰平原

千乘縣西北五十里有大河河北有漯沃城故縣也
臨濟縣有樂安太守治

博昌東北八十里有琅槐鄉故縣也

濟陰乘氏縣故宋乘邱邑也

河內殷國也周名之爲南陽

晉始啟南陽今南陽城是也

陳留有外黃故加內

平恩縣故館陶之別鄉也

甘陵西北十七里有信鄉故縣也

甘陵西北五十里有信城亭故縣也

東武城西南七十里有陵鄉故縣也

東武城西北三十里有復陽亭故縣也

東武城西北五十里有棗疆城故縣也

廣川縣西北三十里有歷城亭故縣也

南皮城北五十里有北皮城也

高城縣東北五十里有柳亭本草注引此故縣也世

謂之辟亭

浮縣浮水所出入海潮汐往來日再今溝無復有水

也

鄴北五十里有梁期城故縣也

列人縣西南六十里有卽裴城故縣也

卽裴縣西北二十里有邯溝城故縣也

其國斥鹵故曰斥漳

平恩縣北四十里有南曲亭故縣也

廣川西南六十里有辟陽亭故縣也

扶柳縣西北五里有梁城故縣也世以為五梁城

鄔縣北有鄔阜蓋縣氏之

大山有博故此加下

修縣西北八十里有蒲領鄉故縣也

循縣西北二十里有修市城故縣也

平舒縣西南五十里有參后亭故縣也

范陽范水之陽

北新城縣東二十里有東樊輿亭故縣也

唐縣西四十里得中人亭今於此城取中人鄉則四十也

博陵縣故饒陽之下鄉者也

博陵縣史記蠡吾故縣矣

涿縣東五十里有陽鄉亭後分為縣

方城縣東八十里有益昌城故縣也

初築此城有仙人遊其地故因以為城名矣

五原有西安陽故此加東也

燕語呼亡為無今改宜鄉也

當城西北四十里有且如城故縣也

當城西北有延陵鄉故縣也

道人城北五十里有參合鄉故縣也

陽樂故燕也

丹山在西南丹水所出東入海

齊所以爲齊者卽天齊淵名也

淄人濡

朱虛縣東四十里有晤亭城故縣也

平昌縣東南四十里有石泉亭故縣也

淳于縣東南五十里有膠陽亭故縣也

縣爲一都之會故曰汧都也

夏水出城父東南至此與肥合故曰合肥

華陽黑水爲梁州漢武帝元朔二年改梁曰益州以

新啟犍爲牂牁越嶲州之疆壤益廣故稱益

夔夸中最仁有仁道故字從人秦記謂夔僮之富者

也

周禮鬱人掌裸器凡祭祀賓客之裸事和鬱鬯以實樽彝鬱芳草也百草之華煮以合釀黑黍以降神者

也或說今鬱金是也一曰鬱人所貢因氏郡矣
日南故秦象郡漢武帝元鼎六年開日南郡治西捲
縣

漢武帝元朔三年改雍曰涼州以其金行土地寒涼

故也

並水
經注

中人城

本草注引
作左人城

西北四十里有左人亭鮮虞故地

寰宇

記

江別入沔爲夏水

下皆十
三州記

漆鄉邾邑也

山陽南平陽縣有閭邱鄉

山陽有東緡縣

太山萊蕪縣魯之萊柞邑

並水
經注

宏農有桃邱聚古桃林也

鄠水出鄠縣南

並史記
索隱

武帝時豫州有白羊出谿澗中

代郡故城盧植說初置築時方就板幹夜自移西南

五十里大澤中自設結葦爲九門於是就以爲城周

旋七里今在飛狐縣界

並初
學記

按隋唐二志此記俱不著錄後漢書本傳則謂劭論當時行事著中漢輯序撰風俗通以辨物類名號凡所著述百三十六篇又集解漢書皆傳於時此地理風俗記大抵皆在百三十六篇內未有專本行世故六朝時人書亦少稱引而酈道元注水經獨時時引証又或引作應劭十三州記其與地理風俗記是否當爲一書亦無可考今仍分別采錄地理風俗記六十八條十三州記五條又寰宇記引地理記一條史記索隱引十三州記一條初

學記引十三州記二條其有但稱應劭曰不著書名者乃劭所集解漢書文非此二記也故不錄



袁山松郡國志

銅仁徐鎮 參

金谿王 謨仁甫輯

建安二十年復置漢寧郡漢中之安陽西城郡分錫
上庸為上庸郡置都尉

興平元年分安定鶉觚右扶風之漆置新平郡

汝南郡陽安有朔山

南陽郡宛縣有夕陽聚賈復從擊鄧奉追至夕陽聚

並後漢書
郡國志注

河陽別縣非温邑也

介休縣有介山有縣上聚子推廟

共縣有汎亭

路史國名紀引此云共縣西南有凡城

周凡伯國春秋隱

公七年經書王使凡伯來聘是也

湟縣有關與聚

漢有二源東出氏道西出西縣之嶓冢山

山桑縣有垂惠聚

黔陬縣有介亭古介國也

宏農湖縣有閩鄉世謂之閩鄉水

五鹿墟故沙鹿有沙亭周穆王喪盛姬東征舍於五

鹿其女叔姪屈此思哭是曰女姪之邱為沙鹿異名

衛縣有竿城

衛故觀國姚姓有河牧城

陽平縣有岡城亭逕陽平縣故城東

河陽縣有湛城

滎陽有廣武城城在山上漢所城也高祖與項羽臨

絕澗對語責羽十罪羽射漢祖中胷處也

滎陽縣有號亭俗謂之平眺城城內有大家名管叔

冢或亦謂之為號咷城

滎陽有鴻溝水

冤胸縣有煮棗城

濟陰乘氏縣有鹿乘鄉

博昌縣有薄姑城

成武縣有楚邱亭

乘氏縣有泗水

山陽有金鄉縣

朝歌縣南有牧野

蒲陰縣有陽城

方城縣有督亢亭

高陽有葛城燕以與趙者

鄆縣有郟城

新豐縣東有鴻門亭

長平故屬汝南縣有赭邱城

卷縣有垣離城卽史記所記韓獻秦垣離是也

長城自卷逕陽武到密

遼陽縣故屬遼東後入元菟其水西南流故謂之爲

梁水也

山桑縣有下城父聚

梁父縣有菟裘聚

須昌縣有致密城古中都城卽夫子所宰邑制養生送死之節長幼男女之禮路不拾遺器不雕偽矣

東苑有鄆亭

琅邪有臨沂縣故屬東海郡有洛水注之

臨沂縣有顓臾城

卽邱縣自東海分屬琅邪

偃陽有相水相水南亂於沂而注於沭謂之相口城

平壽在斟灌東

淳于縣有密鄉

筑陽縣有涉都鄉

新林新野之東鄉故新都者也

平阿縣有當塗山

宛縣有瓜里野津夕陽聚

葉縣有卷城又有長城曰方城並水經注

按隋唐志及御覽書目俱不著錄袁山松郡國志

而水經注引之則從山松所撰後漢書采錄也攷
隋志後漢書凡十數家皆不立地理志惟司馬彪
及山松二家書有郡國志故水經注得采其說仍
分注某氏郡國志其泛舉郡國志不言某氏者則
以二家書同故通言之也

自閩鄉水以下條從此例

茲凡鈔出

劉昭後漢書注四條水經注四十條若自江水下
所引袁山松說應入宜都山川記非郡國志也故
不錄山松出處事迹亦具見宜都山川記序錄

九州要記

錢塘王朝颺石長參

金谿王 謨仁甫輯

鄂今武昌

裴駟史記集解引九州記○寰宇記引此云鄂王城今武昌是也今鄂人祠鄂王神

卽遺像也

鹽官縣有秦逕山秦始皇逕此美人死葬於山上山

下有美人廟

水經注引樂資九州記

臺登縣有雙諾川鸚鵡山黑水之間若水出其下卽

黃帝子昌意降居若水是此

牛頭山昔日葛仙翁多遊於此今立立爲寺白獸山相連者秦世有白獸爲害夷人射因刻白石於此今遺跡尙存九州記

雲南郡山山有祠處召室稱黃石公祀之必用紙一百張筆一雙墨一九室內有啟必知吉凶但不見其

形

易縣西南三十里有送荆陘卽荆軻入秦之路也

蘇州之賓賓人旋人皆夷也

元武山一名赤雀山一名宜君山山有鹿入貢

青石縣有青石山天下青石無佳於此可爲鐘磬

益州城初累築不立忽有大龜周行旋走因其行築

之遂得堅固故曰龜城九州志

和義郡古夜郎之地有成都市漢武中時南令使通

焚道無功唐蒙因殺之令曰恨不立見成都市而死

蒙卽立市如成都以殺之故曰成都市

九邱之外有費州

夜郎自古非臣伏州郡之地漢武開拓南邊始置夜

郎縣屬牂牁縣卽牂牁都尉治之九州志

初山上有高樓武陟二神祠每歲郡邑祈之九州志

馬同山有金馬碧鷄之神

弔鳥山在葉檢縣葉檢則雲南郡廢邑也山上有鳥

千百羣飛啁啾一歲必一度大集卽鳳皇死也寰宇記引

作山上有鳥千百羣飛鳴呼啁啾歲凡六

大集俗云鳳凰死於此地故衆鳥來弔涼州古武都寰宇記引有天山黃帝受金液神丹於

此山近崆峒山頃有魏太祖馬埒焉

洛陽千金碣旁有九龍祠存

睢陽水在宋城西

漢水經新城南東合明溝水並御覽

許昌靈井亦曰靈泉今石砌方正水旱民必禱焉

金門之竹可以爲笙管

洛陽轉轂百數

晉惠帝於大石山請雨七日大霖魏文帝測之高三

百丈

乾脯山周敬王於此曝乾脯以因爲名

覆舟山昔盧明明登嵩嶽望覆舟如蟻蛭黃河如帶

女几山富祿縣有女几年八十居陳留沽酒得道飛

昇於此山因名之

宏農縣有鹿山山中石上有自然鹿跡非人功所為
扇子山小石壁中分其形似扇故名之

楊震宅在柏谷亭

廣成城廣成子為黃帝師始居此城後於崆峒山成
道今此城猶有廟像存焉

已氏本戎君之姓蓋昆吾之後別居戎翟中周衰入
居中國故有此已氏之邑焉

堯州陶即堯國帝堯於此所溝也因名之

龍池春秋颺叔氏有裔子董父好龍舜遣養二龍於

陶邛是為豢龍氏今池在焉

馬邑之地風多寒沍水深二丈

九州志

濟源縣有漫流水天漿澗塗溝水皆會於濟

黃箋谷中有冢俗謂佛母冢今牛馬不相近

黑山一名墨山墨子昔居此山採茯苓餌之壽五百

歲或老或少

天門山有三水嵇康採藥逢孫登彈一弦琴即此山

唐縣本白狄種最為夷狄大國

中山有鴻山關者昔項羽於此山見羣鴻乃誓衆曰
我當南面而中其一引滿射之莫有中者乃折弓投
地而去時知項羽終不能濟

鴻城俗呼爲鴻郎城卽帝堯時丹朱所居也

武邑縣泲水西南自衡水縣界而東經縣城西過

樂壽縣有房淵方三百里石勒之建安二年水忽變
爲赤燕慕容儁二年水忽生鹽如印形其淵一日再
長再減不失其度居近者時見龍狗之狀旁邊戲葉
落於淵者輒有羣鷓啣出

漢南陽太守高陽侯蔡仲冢在城北曉厭勝之術其
冢至今無狐狸之穴

荆軻城南臨濡水卽軻以金圖投龜處軻入秦樊於
期刎頭付軻於此

古漁陽北有無終山上有昭王冢前有千歲狐化爲
書生謁張華華識之因以昭王冢前華表木照之遂
變

盧龍柳城南有新婦山

濟水一名沅水出濟源山

丁公抱石欲填厄井

金堤卽李冰所築堤岸有石如豬

沉黎縣卽武侯征羗之路也每十年作一石樓令鼓聲相應今夷人效之所居悉以爲樓樓地多長松而無雜木

簡州在赤水之地

又引作北

蒙山者沐也言雨露常蒙因以爲名

汶山郡有鹿又有五角牛又旄牛無角一日童牛肉重千斤

蜻蛉縣有禹穴蜻蛉卽雲南郡廢邑有禹穴穴內有

金馬碧雞其光倏忽人皆見之漢王褒入蜀祀之

濮夷在郡界千里常居木上作屋有尾長二寸若損尾立死若欲地上居則預窟穴以安尾

文夷雋之西夷人身青而有文如龍鱗生於臂脛之間將婚會於路歌謠相感合以爲夫婦焉又有穿鼻儋耳種瘴氣有聲着人人死着木木折號曰鬼巢

石室山在汶江之比昔樵人王質入山見二仙人圍棋質乃坐斧而觀二仙棋罷質乃起見斧柯旣爛方

悟是二仙人

鹽井二近江水淡煎鹽不成

豆菓山高五百丈上有百神池并祠廟

朱買臣冢在嘉興縣東三里此收魂葬處極高大其

真冢在洛陽北市東南大街中有碑云是朱買臣冢

秦望山始皇登此山望海因以名

會骸山古有金牛入此山臯伯通兄弟鑿山取牛山

崩二人斃死此穴中因曰會骸山

黔州有彭水在侯寧縣卽古之黔中地

夔溪生獠招慰以置之

白馬穴卽黃牛山有穴昔有白馬奔出故名

金山有赤彈水堪爲漆用

哀牢人皆儻耳穿鼻其渠帥自謂王者耳皆下肩三

寸庶人則至肩而已土地沃美宜五穀蠶桑知染彩

文繡有蘭干細布織成文章如綾錦有梧桐木葉績

以爲布幅廣五尺潔白不受垢汚先以覆亡人然後

服之有濮竹其節相去二丈地出銅鐵鉛錫金銀光

珠琥珀水晶琉璃軻虫蚌珠孔雀翡翠犀象猩猩貊

獸並寰宇記

禹禪此山一石穴委曲黃帝藏書於此禹得之御覽引九

土文括畧按唐志有劉之推文括九州要畧三卷

蜀王杜宇自號望帝藝文類聚引十州志

按隋唐志俱不著錄此書不知撰人姓名唐人類

書亦未見稱引意必六朝後人所作而裴駙史記

集解已引九州記酈道元水經注引樂資九州志

不知卽此書與否如果屬樂資撰則是晉著作郎

嘗爲春秋後傳三十一卷山陽公載記十卷俱見

隋志不應獨在此書且何以不見采於諸類書今

既無考姑撮合爲一書仍分注各條下凡共鈔出

史記集解一條水經注一條御覽十九條寰宇記


四十七條又附錄九州要畧一條十州志一條

四十小粒不備疑此或要畧一粒十粒

或所製輸一粒不強五二粒斷實十粒

摺無等故疑合為一書前在玉各粒不其

謂法不無礙若出書且所以不具矣欲



叙錄

隋志闕駟撰十三州志十卷

唐志十四卷

魏書本傳曰駟字元陰敦煌人博通經傳三史羣

言經目則誦時人謂之宿讀注王朗易傳學者藉

以通經撰十三州志行於世沮渠蒙遜重之常侍

左右拜秘書考課郎中給文吏三十人典校經籍

刊定諸子三千餘卷加奉車都尉牧犍待之彌重

拜大行臺遷尙書

謨按括地志晉自蕩陰敗後司冀雍涼青并充豫

幽平秦營十二州並淪沒後魏孝文帝都洛陽開拓土宇明帝熙平元年凡州四十六鎮十二郡國二百八十九天平年凡州六十八至武定年凡州一百一十一郡五百一十九關駟既仕西涼列傳魏書則所著書自應據魏地形志而乃以十三州志名書從漢制也然亦徒自夸大究於漢制荆揚交益諸州並非土宇而駟係北人亦不諳悉南方地理故即諸書所引每畧於南而詳於北今特鈔出史記注十條前漢書注十五條後漢書注二十

四條水經注一百四條初學記十條書鈔一條御覽二十八條寰宇記四十一條路史六條通鑑注一條



關駟十三州志

金鄉楊維翮雲亭參

金谿王 謨仁甫輯

右扶風安陵縣本周之程邑也

潁川郡新汲縣本汲鄉也宣帝神爵二年置以河內

有汲故加新也

汝南郡慎陽縣

史記注引關駟云慎陽合作慎陽

永平五年失邱更

刻遂誤以水為心

魏郡斥邱縣地多斥鹵故曰斥邱

文選注引此云斥邱縣在魏郡東八

十里

常山郡元氏縣魏公子元之封邑故曰元氏

勃海郡南皮縣章武有北皮亭故此云南

金城郡臨羌縣西有卑和羌即獻王莽地為西海郡

者也

水經注引此云龍城在臨羌新縣西三百一

十里王莽納西零之獻以為西海郡治此又曰

允吾縣西有卑禾羌海謂之青海東去西平二百

五十里初學記引此云臨羌縣有卑禾海謂之青海

張掖郡居延縣武帝使伏波將軍路博德築遮虜障

於居延城

敦煌郡淵泉縣地多泉水故以為名

雲中郡北與縣廣陵有輿故此加北

代郡當城縣當桓都城故曰當城

史記正義引此云當城在高柳東八

十里當常山故曰當城

東安陽縣五原有安陽故此加東

信都扶柳縣其地有扶澤澤中多柳故曰扶柳

廣川縣其縣中有長河為流故曰廣川

留川東安平縣博陵有安平故此加東

並前漢書地理志注

蜀之先肇於人皇之際黃帝為子昌意娶蜀山氏後

子孫因封焉

河陽縣在於河上卽孟津是也

秦亭秦谷是也

河南緱氏縣以山爲名一云輟輟爲九十二曲是險

道也

初學記引此云輟輟道凡十二曲也今在緱氏縣東南

丹朱遊故虛故曰朱虛

澧水出鄆縣南

太子建所居城父謂今亳州城父縣也

古平州縣在汾州界休縣五十里

一統志引作西四十里

長沙有萬里沙祠西自湘州至東萊萬里故曰長沙

大郡曰守小郡曰尉

並史記注

窳渾縣有大道西北出雞鹿塞

典屬國武帝置掌納匈奴降者也哀帝省并大鴻臚

故今復置之

大夫皆掌顧問應對言議夫之言扶也言能扶持君

父也

護烏丸擁節秩比二千石武帝置以護內附烏丸既

而并於匈奴中郎將中興初班彪上言宜復此官以

招附東胡乃復更置焉

侍御史周官卽柱下史秩六百石掌注記言行糾諸
不法員十五人出有所案則稱使者焉謁者秦官也
員七十人皆選孝廉年未五十曉解償贖者歲盡拜
縣令長史及都官府丞長史博士秦官博通古今秩
皆六百石孝武初置五經博士後稍增至十四員取
聰明威重者一人爲祭酒主領焉議郎郎官皆秦官
也它無所掌秩六百石或四百石
大國
縣爲侯邑則令長爲相秩隨令長本秩
旄牛縣屬蜀部旄牛所出歲貢其尾以爲節旄

將兵長史居在日南郡又有將兵司馬去雒陽九千
六百三十里
歐西長二百八十里
有秩嗇夫得假半章印

成帝時河隄大壞汎濫青徐兗豫四州畧徧乃以校
尉王延代領河隄謁者秩千石或名其官爲護都水
使者中興以二府掾屬爲之

胸音春臆音忍其地下濕多胸臆蟲因以名縣故城

在今夔州雲安縣西萬戶故城是也

句踐之地南至句章

通鑑注引作句無

其後併吳因大城之

章伯功以示子孫故曰句章

傅巖在大陽縣界今其穴尚存

楊氏縣在魏郡北地

並後漢書注

左南津西六十里白土城城在大河之北而為綠河

濟渡之處

石城西一百四十里有左南城津亦取名焉

通鑑注引此云

左南城在金城白土縣東六十里

白石縣在狄道西北二百八十里澼水逕其北

廣大阪在枹罕西北罕并在焉

枹罕縣在郡西二百一十里澼水在城南門前東過也

安故縣在郡南四十七里蓋延轉擊狄道安故五谿

及羗大破之即此也

狄道今日武始也

大夏縣西有故金柳城去縣四十里本都尉治

金城西即湟水之源也

西平張掖之間大月氏之別小月氏之國

臨羗新縣在郡西北八十里湟水逕城南也

長寧亭北有餐女嶺卽浩靈之西平之北山也

西平西北六十里遠矣

西平亭北有土樓神祠

安夸城有東西門去西平亭東四十里

金城河初與浩靈河合又與勒且河合

浩讀閣也故亦曰閣門水

湟水河在南門前東過六谷水自南破羗川自北左

右翼注

允吾縣西四十里有小晉興城

黃河至金城縣謂之金城河隨地爲名也

石城津在金城西北

大河在金城北門東流有梁泉注之出縣之南山

廉城在富平北

三封在臨戎縣西一百四十里

原亭城中都尉治

五原西南六十里今世謂之石崖城

善無縣南七十里有中陵縣

舊定襄郡治

武縣在善無西百五十里。俗謂之大羅城水亦藉稱焉。

蒲城在西北漢武帝置

蒲阪堯都

雷首山一名獨頭山夸齊所隱山南有古冢陵柏蔚然攢茂邛阜俗謂之夷齊墓

河陽別縣非温邑也

治河上河孟津河也

張甲河東北至修縣入清漳

鳴犢河東北至修入屯氏

厭次縣本富平車騎將軍張安世之封邑明帝永平

五年改曰厭次

汾水出武州之燕京山亦管涔之異名也

御覽引此
下云其山

重阜修層有草無木
泉源導於南山之下

令狐卽猗氏也剝首在西三十里縣南對澤卽猗頓之故居也

榆次塗陽縣

晉水出龍山一云水結紉山在縣西北

澤縣南山西曲有故向城卽周向國也

滎波潘澤名也

濟水在縣西北鄭邑也

首受別濟卽北濟也

壽張有蚩尤祠

路史後紀引此云重聚大小與冢等

被孟豬不言入而言被者明不常入也水盛方乃覆被矣

山陽有東緡縣

沛水至武德入河

頓邱在淇水南

有潞水爲冀州浸卽漳水也

初學記引此云潞水出潞縣冀州之浸寰宇記

引此云潞縣潞水出焉

經縣東五十里有繚城故縣也

扶柳縣東北有武陽城故縣也

昌城本名阜城

楊氏縣北四十里有武亭故縣也

廣平城東北一百一十里有潘縣

馬城在高柳東一百四十里俗謂是水爲河頭

涿鹿東北至谷城六十里

遼東屬國都尉治昌黎道有黃龍亭魏營州刺史治

侯水南入渝

大遼水自塞西南至安市入於海

沮水縣在樂浪東北饒方縣在郡東

三龕山在東南

漆水出漆縣西北岐山東入涓

萬年縣西有涇渭北有小河渭此水也

史記正義引此云萬年縣

南有涇渭北有小河即沮水也

蓮芍縣以草受名也

楚水關駟以是水為沂水

沂水出沂縣西北關駟與此同復以沂水為龍魚水

蕃在鄭西路史國名紀引此云蕃鄭西今之巒城是矣地有商山

新鄭水

西鄭友之始封

洛水關駟以為漆沮之水

漢或為漾漾水出崑崙西北隅至氏道重源顯發而

為漾水

隴西縣嶓冢山在西西漢水所出南入廣魏白水
漾水出嶓道東至武都入漢
強水出陰平西北強山一曰強川

本汝水別流其後枯竭號曰死汝水故其字去水
召者高也其地邛墟井深數丈故以名焉

山桑縣山生於邑其庭有桑因山

貫城在蒙縣西北模西

首受留護渠亦兼弱水之稱也

蒙澤在縣東

西至湖陸入泗今成武縣東南有郟城俗謂之北郟

山陽南平陽縣又有閭邛鄉

琅琊郎祝魯之音蓋字承讀變矣

縣處勢平故曰博昌寰宇記引此云昌水其勢平博故曰博昌

周成王時薄姑與四國作亂周公滅之以封太公

以其初出沮洳然故曰沮水也縣亦受名焉

江水至會稽與浙江合浙江自臨平湖南通浦陽江

又於餘暨東合浦陽江自秦望分派東餘姚縣又為

江也東與車箱水合水出車箱山東高瀑布四十餘丈雖有水旱而澍無增減山自魏平陽南故衛國也復陽縣胡陽之樂鄉也元帝元延二年置在桐柏大復山之陽故曰復陽

晉大始中割南陽東鄙之安昌平林平氏義陽四縣置義陽郡於安昌城安昌城在義陽郡

漢和帝永平九年分汝陰置多陂塘以溉稻故曰富

陂縣

亳城漢武帝分穀孰置春秋莊公十三年宋公子御

說奔於亳者也

魯陽縣有湯水可以療疾湯側又有寒泉地勢不殊

而炎涼異致雖隆火盛日肅若水谷矣渾流同谿

澧水東北至定隆入汝

魯陽縣今其地魯山是也

夏水出沛國城父東至此合為肥

比影縣比讀蔭庇之庇影為已下言為身所庇也

興水所出東入沅

日華水出桂陽郴縣華山西至湘南縣入湘

大別水南出耒陽縣大山北至鄱縣入湖

廬水西出長沙安復縣

武林山出錢水東入海並水經注

崑崙山在西海之戌地東海之亥地去岸十三萬里

有弱水周迴繞而山東南接積石圃西北接比戶之

室東北臨大活之井西南至承淵之谷此四角大山

實崑崙之支輔也案此條本見水經注卷一河水下以原文作十三州說疑當別為一

書後檢李石續博物志引關駟十三州志云崑崙山去北海岸十三萬里有弱水周匝東南接積石即係節錄注文於十三州下脫一志字非

別有十三州說也固當鈔入卷之二

北利城今在上蔡

武帝時豫州有白羊出溪澗中故名羊澗

代郡故城盧植說初置築時方就板幹夜自移西南

五十里大澤中自設結葦為九門於是就以為城周

旋七里今案在飛狐界

歷城本周之甘泉西地

鹿塞在蒼松縣南十里

昭武蕪有臨澤亭在其東

戰城故弦子都也

効穀縣故漁澤障

高昌壁故屬敦煌有長谷在東都尉居之

金城郡有金城關上黨有井關燉煌龍勒有玉門關

龍關並初學記

昔禹治洪水既畢乃乘車到鍾山祀上帝於北河歸

大功於九湖也書鈔

赤水西有白玉山山有西王母堂室

晉陽有羊腸蟠曲在其西北九十里

黑山險為逋逃藪

朱圉山有石鼓不擊自鳴則兵起

戰國時梁屬魏秦置三十六郡屬三川郡漢為河南

郡之梁縣寰宇記引此云梁即周南鄙邑也

鉅鹿唐虞時大麓之地尚書堯試舜百揆納於大麓

麓則林之大者堯之禪舜欲使天下皆見之故合羣

臣與百姓納之大麓之野然後授受以明已禪之功

也路史發揮引此云麓山上有堯祠俗呼宣務山謂舜昔宣務焉又曰大陸縣有堯臺高與城等乃堯禪舜之處

按御覽路史皆不言大麓處所惟顏氏家訓載柏人城東北有一孤山引關駟十三州志以

為舜納于大麓即謂此山其上今猶有堯祠世俗呼為宣務山或呼為虛無山路史蓋據此為說御覽引

此文不全

真定本名東垣以河東有垣故此加東耳

中山武公本周之同姓其後桓公不恤國政晉太史

餘見周王王問之諸侯孰先亡對曰中山之俗以晝

為夜以臣觀之中山其先亡乎其後樂羊為魏文侯

將拔中山封之靈壽

下曲陽中山有曲陽故此加下耳

太初元年蠡吾侯入繼孝賢是為孝桓帝追尊其父

蠡吾侯翼為孝崇皇帝陵曰博陵因改為博野縣

北新城河間有新城故此加北耳

勃海風俗鷲戾多氣力輕姦克

寰宇記引作尙高氣力輕為奸克

浮陽水所出東入海

漢末大亂匈奴侵邊自定襄已西盡雲中雁門之間

遂空建安中丞相曹公集荒郡之戶以為縣聚之九

原界以立新興郡領九原等縣屬并州

街泉戎邑道屬天水郡

漢章帝建初二年徙鉅鹿王恭為江陵王三公上言

江陵在京師正南不可以封乃徙為安陸王

防陵卽春秋防渚也

定城置在古黃子國南十三里

牂牁者江中山名也

烏孫國嫁娶賣馬聘先令媒者與婦宿徐乃婿近

僧疆中國在天竺南佛寺三千餘所今地有神珠非

石玉晝夜於國中光明於日珠徑一尺五寸其色正

碧

青州平原國和帝延平九年以封子懷王勝風俗與
舊齊同然奸吏倍於民給衛士吏賦狐肉稍從假錢

積至乃餘歲竟交代吏無償意衛士恨恚取狐肉沃
以酒從而呪之曰狐肉狐肉尾斯尾斯身軀雖小錢
多私之吏聞之恐乃償之錢對人問之皆曰自開
山桑縣人俗貪僞好持馬鞭行邑故語曰沛國龍穴
至山桑詐託旅使若奔喪道遇寇抄遂失資糧

上虞縣有雁爲民田春銜拔草根秋喙除其穢是以
縣官禁民不得妄害此鳥犯則有刑無赦

當七國稱王獨杜宇稱帝於蜀以褒斜爲前門熊耳
靈關爲后戶玉疊峨眉爲池澤汶山爲畜牧中南爲

園苑時荆地有一死者名鼈冷其尸亡至汝山却是
更生見望帝以爲蜀相時巫山蜀地雍江洪水望帝
使鼈冷鑿巫山治水有功望帝自以德薄乃委國鼈
冷號曰開明遂自亡去化爲子規故蜀人聞名曰我
望帝也指其地對晉書望帝自以德薄乃委國鼈
望帝使鼈冷治水而淫其妻冷還帝慙遂化爲子規
杜宇死時適二月而子規鳴故蜀人聞之皆起自開
明已下七葉始立宗廟時蜀有五丁力士能徙山岳
每一王死五丁輒爲立大石以誌墓今石井是也號

曰井里

舍衛國在月氏南萬里果大如三斗杓

並御覽

平陵城本東陵後改爲平陵

漢古縣在平原郡南五十里宋置高唐縣

陽樂縣在當利縣東北二十里

陽縣當利縣東有陵石城陵爲陽字之誤

海西在開陽一百三十里

有東西二鄆魯昭公所居者爲西鄆在兗州東平郡
是也莒與魯所爭爲東鄆卽沂水縣

通鑑注引作漢東莞縣

是也

漢魏地理書卷之六
蘭陵故魯次室邑其後楚取之改爲蘭陵縣宋因之
郡道里數卽隴州杜陽故城近之

昔共伯復歸於國道遙得意遊共山之首

澶水在頓邨西南三十里伏流至繁城西南

秦王東巡回死於沙邨

淮南九藪趙有鉅鹿今其地卽廣阿澤也

內邨縣在漢爲中邨縣山海經謂西北有蓬山邨在

其間故曰中邨

北平縣本秦曲逆縣之地後漢章帝巡北岳以曲逆

名不善改爲蒲陰縣

冀州之地蓋古京也人患剽悍故語曰仕宦不偶值

冀部

御覽引
止此

其人剛狠淺於恩義無賓序之禮懷居

慳嗇古語云幽冀之人鈍如錐亦履山之險爲逋逃

之藪

饒安縣東南二十里有童鄉亭卽故章鄉縣童字類

章章鄉蓋在縣東南二十里童鄉亭

涿郡南有涿水

水經注引此下
有蓋氏焉三字

北至上谷爲涿鹿河

其枝流入匈奴中者謂之涿邪水

京師之州司隸校尉掌焉故曰司州

梁國有二亳南亳在穀北亳在蒙湯會諸侯於景亳

卽蒙之北亳也水經注引此云亳湯都也

故頓子城在潁水之南故爲潁陰城

熟城漢之縣名

盧氏有朱陽山因別立縣

杼秋光武封劉般爲杼秋侯明帝以屬沛

取盧故城取如星分醬陬慮若公羊知婁之婁

路史引此

云偃王後有取慮氏

朱虛東十三里有校亭縣

高唐縣有爵堤以捍河水

犍爲郡有犍爲山因置犍道縣以屬焉

餘潛縣本作瞽讀爲潛出好布

仁水源出廢石陽縣側

枳縣在巴郡東

揚州後徙於陰陵

昔蜀王從卒數千出獵於褒谷秦惠王亦畋於山中

怪而問之以金一筐遺蜀王及報欺之以土秦王大

怒其臣曰此秦得土之端也秦王未知蜀道乃刻石
牛五頭置金於尾下偽如養之者言此天牛能屎金
蜀人見而信乃令五丁共引牛成道致之成都秦
知蜀道而亡蜀今地接故金牛縣界

孱陵城吳大帝封呂蒙為孱陵侯即此地也

畧陽道在郡東六十里即故冀城也

會水一名白亭海衆羗之水所會故曰會水北有白

亭因謂之白亭水也前漢書注引此云會水縣衆水所會故曰會水

玉門縣置長三百里石門周匝山間裁經二十里衆

泉流入延興漢罷玉門關屯徙其人於此故曰玉門

縣前漢書注引此云酒泉郡玉門縣漢罷玉門關屯徙其人於此

延壽縣在郡西金山在其東至玉石障是亦漢遮虜

障也吳山土百數地後故博

瓜州戎為月氏所逐并六國築長城西不過臨洮則

秦未有此地漢武帝後元六年分酒泉之地置燉煌

郡徙邊人以實之縣不詳

媾羞國濱帶南山西有蔥嶺餘種或虜或羗戶口甚

多也在古不立君臣無分長幼強則分種為酋豪弱

則為人附落更相抄暴以力為雄唯殺人償死無他
禁令其兵長於山谷短於平地不能持久而果於觸
突於戰死為利病終不祥

奄蔡粟特各有長而魏收以為一國謬也

小宛併於鄯善並寰宇記

平陸吳山上有虞城舜始封

塗山氏思本國築臺以望之基猶在夏城南安邑

鄆音多漢周應為鄆侯者又云音多鄆之屬

武功郿城

呼沱南易

間州上洛並路史

金城安夷縣東有勒姐河與金城河合勒姐嶺蓋勒

姐河所出之山也漢時勒姐羗居之因以為名通鑑注



金姓是東瀛東百勝即前與全勝所合

同姓上卷

平部

黃恭十四州記

金谿王 謨仁甫輯

秦兼天下始皇二十六年廢五等之爵立郡縣之官
以公國為大侯伯為小大郡曰守小郡曰尉郡之言
君也故公侯之封而言君者至尊也郡守專權君臣
之禮彌崇上四句從水經注補今郡字君在其左邑在右君為
元首邑以載民故取名於君而謂之郡也類聚

縣萬戶以上為令則子國也千戶為長則男國也今
人呼縣為百里之男本方百里也故言今之百里古

之諸侯

御覽

縣弦也弦以貞直言下體之居鄰民之位不輕其誓

施繩用法不曲如弦弦聲近縣故以取名今懸字在

半也

水經注

秦兼天下改附庸為鄉則有族今嗇夫是也鄉之言

境言其人境域內非天王所置故言鄉

秦兼天下改州牧為刺史朱明之時則出巡行州部

元英之月則遷諸天府表奏刺史言其刺舉不法史

者使也言為天子所使也

並御覽

按水經注引此書本作黃義仲十四州記藝文類

聚乃作苗恭十四州記又別有苗恭交廣記御覽

始作黃恭十四州記人名書名俱參差不合今攷

諸書所引如廡劭十三州記闕駟十三州志皆據

兩漢地制至三國吳時始分交州置廣州故為十

四州黃恭宜即廣州人其作記多在晉初故得合

并交廣為十四州又析而為交廣記也水經注作

黃義仲意即恭之字類聚以黃苗二字形似并訛

其姓固當從御覽作黃恭十四州記為正而隋唐

志俱不載今特鈔出水經注四條類聚五條御覽
三條新嘉坡叻報六字職以黃面一平紙均共增

四

兩

諸書

故

翠

對

叙錄

唐志張勃吳地記一卷

史記索隱曰張勃晉人吳鴻臚儼之子作吳錄故

裴氏史記注引之

按此吳地記乃張勃吳錄中所記三國吳時州郡

地理故得極之蒼梧九真日南交趾與顧夷董覽

陸道瞻諸人專記吳中山川土物者不同書本三

十卷由全書已亡隋志故不著錄

按隋志於正史吳紀九卷下注

云晉有張勃吳錄三十卷云

後人或得其地志一卷遂以傳世

非別有吳地記也諸書引入地理或祇稱吳錄或兼稱吳錄地理志今故仍據以為本並采而輯之以列於晉地道記之前凡共鈔出尚書釋文一條春秋正義一條史記注解一條正義一條索隱三條三國志注五條宋書州郡志二條水經注一條齊民要術六條文選注三條類聚八條初學記六條書鈔一條白帖一條續博物志一條御覽三十條三條寰宇記十四條

張勃吳地理志

青浦吳邦基勿軒參

金谿王謨仁甫輯

書云三江既入震澤底定震澤吳西南大湖也類聚

彭蠡今名洞庭湖尚書釋文

五湖者大湖之別名以其周行五百餘里故以五湖

為名初學記

茅山本名苗山一名覆釜禹會諸侯計功故曰會稽

史記索隱

伍子胥乞食處在丹陽溧陽縣史記注

吳王夫差移於建康之宮南門有雙鶴從鼓中而飛

上入雲中初學記

吳王築城以貯醢醢今俗人呼若酒城御覽

吳王殺子胥投之於江吳人立祠於江上因名胥山

寰宇記 胥山在大湖邊去江不百里水經注

秦柱山一名望山昔始皇登此臺而望海緣以為名

於潛縣西晉山蓋因山以立名故晉字無水

朱方後名谷陽春望氣者云其地有天子氣始皇使

赭衣徒三千人鑿長坑敗其勢故云丹徒並寰宇記

會稽有禹廟始皇配食王朗為太守而斥之御覽

丹徒有吳王家在縣北其處名為相唐史記正義又索隱引張勃

云吳王渢葬丹徒縣南

漢書閩越圍東甌東甌告急於天子天子遣大中大

夫嚴助往救東甌東甌乃舉國徙中國處之江

入往往漸出乃以東甌地為回浦縣御覽

王治鑄地故曰安閩王治此不應偏以受

名蓋是勾踐冶鑄之所故謂之冶閩中有山名湛疑
湛山之鑪鑄劍為湛盧也後分為會稽東南二部都

尉東部臨海是也南部建安是也宋書州郡志中國漢文

堅墓上數有光如雲氣五色上屬天書鈔引此云孫氏墓漢末數有

光如五色雲氣屬天下蔓延數里父老相謂曰此非凡氣孫氏

其興乎類聚

浙江經富陽縣前過江中有沙漲吳武烈帝為郡吏

赴府鄉人餞之會於沙上父老曰此沙狹而長君其

為長沙太守乎後果如父老之言因於長沙起兵為

吳始祖遂名此沙為孫洲寰宇記

張紘言於孫權曰秣陵楚武王所置名為金陵秦始皇

皇時望氣者云金陵有王者氣故掘斷連岡改名秣

陵文選注有別小江可以貯船宜為都邑劉先主勸

都之自京遷都焉

劉先主曾使諸葛亮至京因觀秣陵山阜歎曰鍾山

龍盤石頭虎踞帝王之宅並御覽

魏文帝至廣陵臨江觀兵見波濤洶湧歎曰此固天

之所以限南北也遂歸類聚

蜀昭烈皇帝立宜都縣於西陵即夷陵也宋書州郡志引吳錄

劉備分南郡立宜都在吳蜀之界吳得之頗為重鎮故大將軍

陸遜上疏曰夷陵要害國之關限若失之非徒損一

郡之地荆州亦可憂也寰宇記

建安十三年孫權分歙為始新新定黎陽休陽縣晉

改新定為遂安休寧為海寧吳志注

勾容縣大皇時使陳勳鑿開水道立十二埭以通吳

會諸郡故船行不復由京口御覽

黔陽屬武陵郡今辰州三亭縣西黔陽故城即漢之

黔陽縣城也

景帝時戍將於廣陵掘諸冢墓取板塼以城新壞甚

多御覽

將樂縣屬建安郡初學記

潯陽縣屬武昌

嘉興吳王時本名長水秦改為由拳

富陽縣本漢富春縣也屬吳郡晉康帝太元中避簡

文鄭太后諱改富陽縣並寰宇記

黃武四年置東安郡治富春吳志注

孫休永安二年分合浦立為合浦北部都尉領半山興道寧浦三縣晉又分平山為始定寧浦為澗陽

州郡志○寰宇記引此云吳以合浦北部為寧浦郡

贛縣屬廬陵郡

陽都縣屬陵郡之南部晉武帝改為寧都

南安縣屬廬陵郡南部都尉

並寰宇記南野縣有大庾山九嶺嶠以通廣州

臨水晉改為臨安

羅陽今安固縣

永安今武康縣

並吳志注

富陽浦濮宋為吳縣於津吳大帝時有浦通浙江至

廬溪故曰桐廬縣東有大溪注廬口

永康有石城山

括蒼山登之俯視雲

南並御覽

雷池在皖

巴陵縣有青草湖

並文選注

南陽郡一歲蠶八織

御覽

零陵縣有溫泉

天門零陵縣有溪水山獸從十里往飲

下有缺文

桂陽郴縣有青茅可染布零陵有香茅任土貢之類

並類

始安始陽有洞山山有穴如洞庭其中生石鍾乳

始興有始興山出溫泉可以瀹雞

並御覽

始興有扶留藤緣木而生味辛可以食檳榔

齊民要術

始興曲江縣有篔簹竹圍尺五寸節相去六尺夷人

以為布葛

御覽

湘東新平縣有龍穴中有黑土天旱人共過水清此

穴輒雨常以此請雨

白帖

湘東鄱縣有鄱水土人以水為酒其湖周圍四十三

里

書鈔○文選注引此云湘州鄱陵縣水以作酒為名

吳興烏程縣若下酒有名

文選注

長城若下酒有名谿南曰上若北曰下若並有村村

人取若下酒以釀酒醇美勝雲陽

初學記

宜春縣出美酒每歲上貢封酒親付計吏

御覽

臨海縣海水中生江離正青似亂髮即離騷所云者

是也

史記索隱

松梁山山石間開處容數十丈其高以弩射之不及

其上

初學記○御覽引此下云在澧州

武陵沅南縣以南皆有犀

春秋疏

武陵臨沅縣多栢欄木生山中

廬陵南部零都縣有楝樹其實如甘蕉而核味亦如

之

並御覽

建安有橘冬月樹上覆裏明年夏月變青黑其味甚

甘美

史記索隱○御覽引此云朱光祿為建安三庭有橘冬月樹上覆裏之至明年暮春初三

變青黑味尤絕美

建安陽縣多狢似猿而露鼻孔郡內及臨海皆有之

御覽

彭澤有鳥接食團飯投之高下無失

初學記引作有鳥接丸行者以

丸飯投之

巫山迎船鳥亦然

續博物志

常山仙人採藥處謂之長山山南有春草巖折竹巖

巖門不生蔓草盡出龍鬚云赤松子羽化之處有似

龍鬚而麓大者名為虎鬚不中為蕭但以其蓑為燈

炷

御覽

剡縣有天姥山

文選注引作天姥岑

傳云登者聞天姥歌謠之

響

鹽官本名海昌時改為鹽官屬吳郡並寰宇記

嶺南盧賓縣漲海中玳瑁似龜而大

番禺縣有禺山尉佗所葬並御覽

滇石山滇水所出尉佗為城於此山上名萬人城寰宇記

蒼梧多荔枝生山中人家亦種之類聚

蒼梧高安縣郡下人避瘴氣乘筏來停此六月來十

月去歲歲如此御覽

端谿有端山山有五色石石上多香水初學記○寰宇記引此云

端州有端谿石山有五色香水

鬱林郡有布山多蛇毒有冷石御覽引此云鬱林布山縣多虺其毒殺人

有冷石可以解之色赤黑味苦屑此石着創中似初齒立蘓

一名初齒類聚

合浦徐聞縣多牛其頂上有特骨大如覆斗日行三

百里

高涼安寧縣有餘甘初食之甚苦後口中更甘

合浦朱虛縣有山雞黑色樹棲

朱崖珠光縣出明月珠

交趾龍編縣有鱉形如惠文冠青黑色十二足似蟹長五寸腹中有子如麻子取以作醬尤美

交趾羸陵縣有劉子樹出山中實如梨而味酸美郡內皆有之

交趾勾扇縣後漢志作苟漏甘蔗大數寸其味醇美異於他

處竿以為錫曝之凝如冰破如博碁入口消腐

交趾朱載縣有檳榔樹直無枝條高六七丈葉大如蓮實房得古賁灰扶留藤之之則柔而美郡內及九

真日南並有之

交趾南海縣出桃榔中有米屑如麪並御覽

交趾定安縣有木棉樹高大實如酒杯中有綿如絲之綿又可作布名曰縑一名毛布

交趾有樓樹其皮中有如白米屑者乾擣之以水淋之似麪可作餅郡內皆有之

日南有築竹勁利為矛

鄱陽有笋竹冬月生大正支繪食之則美可以已

孫皎時有鬼目菜生土人黃耆家椽棗樹長丈餘葉

廣四寸厚三分並齊民要術人黃青...

潯陽有青林湖鯽魚大二丈餘食之肥美可以已寒

御覽

象林海中有魚生柔金自南北行三十里有西屬

國人自稱漢子孫有祠在漢之疆場之表初學

銅陵縣晉立梅塘冶之作鐵冶出青鐵其色特妙於

廣州縣南十里山出銅以供梅根監兼出銅礬礦逐

年取掘送納縣西南即古監之所景字

王隱晉地道記

南城鄧

暄葵鄉參

金谿王

謨仁甫輯

泉陵縣北部東五里有鼻墟象所封也

寰宇記引此
下云山下有

象廟言甚有
靈能興雲雨

河陽有窮谷蓋本有窮氏所遷也

中水縣屬河間

廣縣在東莞

陽都屬琅琊

蒯城屬比地

厭次屬平原

平州屬巴郡

戚屬東海蓋本有漢代也

鄭州陽武縣有博浪沙

御覽引此云陽武榮陽有博浪沙張良為韓擊秦始皇處

東萊掖縣有過鄉比有過城是古之過國也

並史記注

王城去洛城四十里

河南有蒯鄉在縣西南有蒯亭

訾城在穀城縣之東

坎埒聚在縣南

汲有銅關

咸山在安邑南

楊縣有梁城去縣五十里叔嚮邑也

寰宇記引此云楊故楊侯國晉

滅之以賜大夫羊舌肸漢以為縣屬河東郡

鐵縣有堯城

左傳文十三年唐嘉處瑕在猗氏縣東北

晉武公曲沃徙襄陽

伊水東北入雒

桃林縣西長城是潼關也寰宇記引此云漢宏農本函谷關有桃林也
大華山在華陽縣西南

霸陵在霸水西霸水出南山北流東入渭

藍田有虎候山

池陽有巖薛山在北有鬼谷生三所氏

漆水在美陽縣西

陽翟去洛陽二百八十六里屬河南

定陵縣高陵山汝水所出

長社本長葛以社中樹暴長漢改名

潁水出陽乾山

汝陰有陶邛鄉詩所謂汝墳

項縣有公路城袁術所築

吳房縣有吳城

新蔡縣故呂侯國

梁孝王築城十三里小鼓唱節杵下而和之稱睢陽

曲

昭二十二年禦諸橫橫亭在睢陽縣南

沛有許城左傳定八年鄭伐許

豐縣去沛國二百六十州六百餘千二十五里

隱二年入向城在龍亢縣東南

昭八年大蒐於紅謂沛國紅縣

苦縣城南三十里有平城

五父衢在魯國城東

薛本國夏車正奚仲所封冢在城南二十里山上

桓十二年盟曲池臨淄縣西南門曰曲門其側有池

元城縣南有瑣陽城

元氏縣有石塞三公塞

房子縣有礫塞中谷塞

望都縣有馬安關

水經注引此云望都縣有委粟關馬溺關

自上曲陽縣北行四百二十五里恒多山阪名飛狐

史記正義引此云恒山在上曲陽縣西北百四十里北行四百五十里得恒山吸號飛狐口此別代

郡也

蒲陰有陽安關

水經注引作安陽關

陽城蒲陽山蒲水出也

清河靈縣有鳴犢河

中邱縣有石門塞燒梁關

浚儀本大梁儀封人此縣也

承匡城在襄邑縣西御覽引此云云左傳文十一年會晉卻缺于承匡是也

秦亭在范縣西北

壽張有蚩尤祠狗城

湖陸縣西有費亭城魏武帝初所封

金鄉縣多山所治名金山山北有鑿石為冢深十餘

丈隧長三十丈旁却入為室三方云得白兔不葬更

葬南口鑿而得金故曰金山故冢今在或云漢昌邑

所作或云秦時

成武縣有柁城

蘭陵有次室亭故魯次室邑

蕁榆縣海中去岸百九十步有秦始皇碑長一丈八

尺廣五尺厚八尺三寸初學記引此云海中去岸百五十步有秦始皇碑濶五尺

厚三尺一行十三字潮水至加其上三丈去則三尺

見也三梁北山碑一碑東二百三十里亦故皇廟為

射陽有博六湖一百三十里至海中數里亦北

平原有篤馬河西出於海亦泰山祭主

臨濟本狄伐衛懿公者

鄆城在都昌縣西

安邱有渠邱城

東安平有羗頭山

餐畢在下密縣西幽州藪有萊山萊主祠

東萊郡黃縣東二百三十里至海中連岑有土道秦

始皇祭此山刻二碑東二百三十里有始皇漢武帝

二碑一碑刻始皇漢武帝

愜縣有口校萊君祠

臨胸縣有石高山山六十丈高秦始皇刻一丈八

邾縣楚滅邾徙其君此城

縣竹縣有柴炭山縣水之所出焉

梓潼縣五婦山馳水所出

建安二十二年劉備以為郡

牂柯郡故且蘭有沈水水出東

警縣不狼山警水所出

句町縣有文冢水

麋水西受徼外東至麋冷入尚龍谿

鹽池澤在姑復縣南山

勝休縣有大河水東至毋撮入橋水

漢魏遺書金

漢魏遺書金

賁古南島出錫水東至世尉人澗水

毋撥縣有橋水出橋山

水經注作銅瀨縣談虜山米水作迷水朱謀埠箋引

作同虜山

枹棟縣連山無血水所出

弔鳥山有澤在櫟榆縣東

三危山在隴西三苗所處

朱謀埠水經箋引此下云故有苗谷路史引此云鳥

鼠同穴西有三危山三苗所處

武都河池縣有泉銜水

烏水出烏枝縣龍池山

泥水出郁郅北蠻中姑臧南山谷水所出

倉松縣南山松陝水所出

猛陵縣龍山合水所出

羸隄縣南越侯織在此

並後漢書注

大夏縣有禹廟禹所出也

京兆胡縣

曹陽亭在宏農縣東十三里其水西北流入於河

子推逃隱於介山

西河有中陽縣舊縣也

晉水出龍山一云水結紉山在縣西北

濟自大伾入河與河水鬪南決為滎澤

初學記引此云濟自大伾

入河與河水鬪而東流大伾成臯古成臯兼包鞏縣之界御覽引此下云溢出為滎水東流過陽武及封

邱縣又東過黨胸縣南至定陶縣南又東北流與荷

水會東至乘氏縣西分為二其一東北流入鉅野澤

過壽張西而與汶水合又北過穀城縣西又東北過

盧縣經濟濟郡東萊郡而入海也也尚書稱導沈水東

流為濟河水所經也又東北會于汶又北東入于海是也

河汶為滎濟水受焉故有濟隄為北濟也

京有大索小索亭漢書京索之間也

丹水縣有大行關丹谿為關之東谷途自此去不復

由關矣

朝歌本洙邑也詩云爰采唐矣洙之鄉矣殷王武丁

始遷居之為殷都口禹貢紂都在冀州大陸之野即

此矣有糟邱酒池之事焉有新聲靡樂號邑朝歌

樂陵國有新樂縣即此城矣

肥鄉縣太康中立以隸廣平也

鴻上關

郡在谷之頭故因以上谷名焉

安樂縣晉封劉禪爲公國

遼西人見遼水有浮棺欲破之語曰我孤竹君也汝

破我何爲因爲立祠焉

惠帝使校尉陳繼仲元詣洛陽山請雨總盡除小祀

唯存大石而祈之七日大雨

新興縣南安之屬縣也

雍縣西號地也

西鄭友之始封

嶢關在上洛縣西北

天水始昌縣故城西也亦曰清崖峽西

郡在洛上故以爲名

襄城楚靈王築

翟本櫟也故潁川郡治也城西有郭奉孝碑水側有

九山祠碑叢柏猶茂北枕川流

路史引此云櫟翟也今許之陽翟莊公城

櫟子元

賈逵祠在小城北

漸欲平今不知所在矣

淮陽城北有故沙名之爲死沙

犖北有谷水

廩邳者春秋之所謂齊邑實大東海者也竹書紀年
晉烈公十一年田悼子卒田布殺其大夫公孫公孫
以廩邳叛於趙田布圍廩邳翟角趙孔肩韓師救廩
邳及田布戰於龍賊田布敗遁是也

孔子葬於魯城北泗水上今泗水南有夫子冢

仲虺城在薛城西三十里

義陽郡

宜都郡

雩婁在安豐縣之西南

陶朱冢在華容縣樹碑云是越之范蠡

安豐縣安豐郡之屬縣也俗名之曰安城矣

入湯口四十三里有石煮以爲鹽石大者如升小者
如拳煮之水竭鹽成蓋蜀火井之倫水火相得乃佳
矣湯谿下與檀谿水合上承巴渠水巴渠南歷檀井
谿之檀井水下入湯水湯水南入於江名曰湯口

西陽郡弦子國

梁州南至桓水西底黑水東限扞關今漢中巴郡汝

山蜀郡漢嘉江陽朱提涪陵陰平廣漢新都梓潼犍
爲武都上庸魏興新城皆古梁州之地

魏興郡 朱謀埜箋引晉興地志魏興郡六縣有洵陽而無興陽

蜀置涪陵郡領縣五晉因之 箋引晉地志

牂牁治宛溫縣

臨賀郡吳置統縣六曰臨賀謝沐馮乘封陽興安富

川 箋引晉地理志

日南郡去盧容浦口二百里故秦象林郡象林縣治也永和五年征西桓溫遣督護滕駿率交廣兵伐范

文於舊日南之盧容縣爲文所敗卽是處也

九德郡有浦陽縣九德縣南陵縣

九真郡有松原縣

朱吾縣屬日郡去郡二百里

高要縣東去郡五百里刺史夏避毒徙縣水居也縣

有鵠奔亭

泉陵縣有香茅氣甚芬香言貢之以縮酒也

漢末博士燉煌侯瑾善內學語弟子曰涼州城西泉

水當竭有霞闕其上至魏嘉平中武威太守條茂起

學舍築闕於此泉太守填水造起門樓與學闕相望
泉源徙發重導於斯故有靈淵之名

涼州有龍形故曰卧龍城南北七里東西三里本匈奴所築

類聚引此云涼州城有卧龍形故名卧龍城南北七十里東西三十里本匈奴所築也

乃張氏之世居也又增築四城箱各千步東城植園

果命曰講武場北城植園果命曰元武圃皆有宮殿

中城內作四時宮隨節遊幸并舊城為五街衢相通

二十二門大繕宮殿觀閣采綺妝節擬中夏也

並水經注

陽夏惠帝永康中復立

漢中孝武太元十五年梁州刺史周表立

武帝太康元年改上庸之廣昌為庸昌二年省

晉壽郡孝武太元十五年梁州刺史周馥表立

南漢中孝武太元十五年梁州刺史周瓊表立

漢興屬興古郡

並宋書

荀晞曰淮陽之地阻塗山南枕靈嶽

惠帝以燉煌地濶遠分立晉昌郡

晉昌護匈奴中郎將別領戶

並文選注

沂陽縣屬秦國吳山在西

雷首山一名滌山

清河國凡領清河等六縣

蘭池縣屬隴西郡

宜春縣出美酒隨歲貢上

寰宇記引此云宜春美酒隋歲舉上供刺史親付計

吏○並初學記

舜以冀州南北廣大分燕北地為幽州

幽州因幽都

寰宇記作幽都山

以為名

路史引此云顓頊之虛在幽州

長垣古衛故匡城地孔子所厄處也

漢陽有大阪名隴坻亦曰隴山御處其西故曰隴西

其山推旁崩聲聞數百里揚雄所謂響若坻頽是也

並御覽○此條多覽字尚須查攷

陳城西南角有淮陽城漢淮陽縣國城也

省釐以併郡蓋取釐之南境渭之南以併郡非省縣也

蓮勺縣屬馮翊

郁夷省併郿蓋因王莽之亂郁夷之人權寄理郿界

因併於郿

少山即太谷水衍出經初縣界

樂平東南有夷儀道通襄國夷儀山在城北故塞
改阜邑爲阜城

易縣漢故安縣屬范陽國

軍都縣屬燕國

太康中以零都頓南埜等縣割爲南康郡而廬陵百
姓去管遙遠乃移郡於石陽縣

潯陽南開六道途通五嶺北導長江遠行岷漢來商
納賈亦一都會也

漢明帝時歷陽淪爲麻湖亦古歷陽城之城地在縣

西三十里源出桑山

並寰宇記

孤竹在肥如南十二里秦之離支縣漢令支也

大陰下有釣臺彼俗謂之臺陂

並路史


鄱陽樂安出黃金鑿土十餘丈披沙之中所得者大
如豆小如粟米

南海象林南有四國皆漢人貢金供稅

並初學記

按此地道記乃王隱晉書中篇目與諸家專記地
理書不同故隋唐志俱不著錄王隱爵里事迹已
見別史叙錄故不具令並鈔出史記注十一條後

漢書注八十四條宋書州郡志六條水經注五十
四條文選注三條初學記七條御覽四條寰宇記
十二條路史二條



叙錄

唐志晉太康土地記十卷

隋志元康地記六卷

沈約宋書州郡志序曰地理參差其詳難舉實由名號驟易境土屢分或一郡一縣割成四五四五之中亟有離合千回百改巧厯不算尋按推求未易精悉今以班固馬彪二志太康元康定戶王隱地道晉世起居永初郡國何徐州郡及地理雜書互相攷覆且三國無志事出帝紀雖立郡時見而置縣不書今唯以續漢郡國校太康地志參伍異

同用相徵驗自漢至宋郡縣無移改者則注云漢舊其有回徙隨源甄別若唯云某無者則此前皆有也若不注置立史闕也

及前志今以漢國為二志太康元來其守正其
文中並有謂合十國百如改列不真其詳亦未
各無無其是七國食也一博一編博如四國

太康地記

北平李維謙虛崖參

金谿王謨仁甫輯

太康平吳之後天下一統凡州十六司冀兗豫荆揚

徐青幽并雍涼梁益交廣是也

初學記○按三國志注引太康地記晉戶

有三百七十七萬吳蜀戶不能居半

司州司隸校尉治漢武帝初置其界本西得梁州之

地今以三輔為雍州

文選注

揚州以揚州漸太陽位天氣奮揚履正含文明故取

名焉

徐州取徐邱為名周合其地於青州

幽州因於幽都為名或云北方太陰故以幽冥為號
二者相依也

梁州者言西方金剛之氣疆梁故因以為名漢時改

雍州為梁州改梁州為益州也

並經典釋文

荊州於古蠻服之地也秦滅楚置郡縣漢武分為交

州至魏晉而荊州所部郡國二十

按胡三省通鑑注引太康地記荊州

統郡二十二惠帝至元帝又立隨新野竟陵新興南

等郡

青州東方少陽其色青其氣清歲之首事之始也故
以為名周之建國表齊東海居於青州故季札觀樂
於魯聞齊之詩曰泱泱乎大國之風也其表東海者
乎

雍州兼得梁州之地西北之位陽所不及陰氣雍闕

御覽引故取名焉

并州不以衛水為號又不以恒山為名而云并者蓋

以其在兩谷之間乎韓魏趙謂之三晉即并冀二州

是其地也

並類聚

并州部太原六郡又有護匈奴中郎左部右部中部南部北部五都尉初學記

豫州之分其人得中和之氣性安舒其俗阜其人和

今俗多寬慢御覽

交州本屬揚州取交趾以為名虞之南極也周有天

下越裳氏慕聖人之德重九譯貢白雉秦滅六國南

開百越置桂林象林以趙佗為龍川令因秦之末自

擅南裔漢高革命加以正爵始變椎髻襲冠冕云類聚

九江劉歆以為湖漢九水入彭蠡澤也經典釋文

涿鹿城東一里有阪泉上有黃帝祠路史後紀引此云阪泉蚩尤泉

自二處

樂浪遂城縣有碣石山長城所起

城陽姑幕有五色土封諸侯錫之茅土用為社此土

即禹貢徐州土也

蓼國先在南陽故縣今豫州鄆縣界故胡城是後徙

於此

尸鄉南有亳阪東有城太甲所放處也

虞西北四十里有芮城

秦文公時陳倉人獵得獸若彘不知名牽以獻之逢

二童子童子曰此名為娟常在地中食死人腦即欲

殺之 其 娟亦語曰二童子名陳寶得雄者王

得雌者霸陳倉人乃逐二童子化為雉雌上陳倉北

坂為石秦祠之 文選賦注引此云秦文公時陳倉人

獵得獸若彘而不知其名道逢二童

子曰此名為糝弗述亦語曰彼二童子名為

寶雞得雌者王得雌者霸陳倉人舍糝弗述逐二童

子化為雉雄止陳倉化為石雌如楚止南陽也

為壇於泰山以祭天示增高也為壇於梁父以祭地

示增廣也祭尙元酒而俎腥魚蠃皆廣長十二丈壇

高三尺階三等而樹石泰山之上高二丈一尺廣三

丈秦之刻石云

京鄭太叔段所居邑

時在櫟陽故城內其時若畦故曰畦時

武關在冠軍縣西嶢關在武關之西

秦建敖倉於成臯又立庾

陽羨縣本名荆溪

桀宋言其似桀也

故申城在南陽縣北三十里周宣王舅所封

戰國時謂南梁者別之於大梁少梁也古蠻子邑

魏武帝建安中分南陽立南鄉郡晉武帝改曰順陽

郡

丹徒故城在縣東南十八里吳王濞反走丹徒越人

殺之於此城

睢陽城方十三里

初學記引作二十里

梁孝王築之鼓倡節杵

而後下和之者稱睢陽曲

御覽引此下云因以為縣

苦城縣東有瀨鄉祠老子所生地也

銅鞮晉大夫羊舌赤之邑世號赤曰銅鞮伯華

御覽引此

下云因以為縣。寰宇記引此下云伯華墓高一丈五尺

阿即東阿也

汝南西平縣有龍泉水

又引作龍淵文選注引作淵水

可以淬刀劍

水經注引作可砥礪刀劍

特堅利故有龍泉水之劍楚之寶劍

也以恃堅利故有堅白之論云黃所以為堅也白所

以為利也齊

又引辯之曰白所以為不堅黃所以為

不利也

荀卿傳注引止此

故天下之寶劍韓為眾一曰棠谿

二曰墨陽三曰合伯四曰鄧師五曰宛馮六曰龍泉

七曰大阿八曰莫邪九曰干將然干將莫邪匠名也

七曰大阿八曰莫邪九曰干將然干將莫邪匠名也

其劍皆出西平縣今有鐵官令別領戶是古鑄劍之地

新陽

太康地記北境並無
郟邑郟陽當作新陽

秦塞自五原縣北九里謂之造陽東行終利賁山南

漢陽西是也

寰宇記引志云自北地郡北行九百里得五原塞又北九百里得造陽

河北得水為河塞外得水為海

並史記注

後漢固始鮦陽公安細陽四縣衛士習此曲於闕下

歌之今雞鳴是也

後漢書注

吳有太初宮方三百丈權所起也昭明宮方五百丈

皓所作也辟晉諱改曰顯明

三國志注

桃林在闕鄉南谷中其水入河注於河

京兆胡縣

北虞城東有山世謂之五家家冢上有虞公廟

河陽別縣非温邑也

西河有中陽縣舊縣也

樂平郡有受陽縣盧諶征艱賦所謂歷受陽而總轡者也

澤棗在東南昔曹大祖納許攸之策破袁紹軍處也

樂陵國有新樂縣卽此城矣

樂平縣舊名清漳縣漢之故矣其山亦曰麓谷山

長鄉 太康地記派有長鄉而無陽鄉矣

陂泉亦地名也泉水東北流與蚩尤泉會水出蚩尤

城城無南面

湯亭田橫死於是亭故改曰尸鄉

雍縣號叔之國有號宮平王東遷叔自此之上陽爲

南號

高陸縣左輔都尉治

陶朱冢在華容縣之西南

鄂縣 水經注云舊樊楚也太康地記以爲東鄂

武寧縣屬交阯

平道縣屬交阯

上虞舜避丹朱於此故以名縣百官從之故縣北有

百官橋亦云禹與諸侯會事訖因相虞樂故曰上虞

並水經注○寰宇記引此云虞山在餘姚縣西三十里舜避丹朱於此

奉高者以事東嶽帝王禪代之處也故明堂在縣南

四里漢武帝立大壇於東山以祭天示增高

鳥鼠山在隴西首陽縣西南鼠尾短形如家鼠穴入三四尺鼠在內鳥在外為牝牡並類聚

西河國惠帝末陷於劉元海至石勒永石郡後魏改為離石郡

行唐縣西北有仙人巖北二十里有如夫城寰宇記引此作夫人城即玉女神所築

宜禾縣屬燉煌郡

李雄亂復於陽關更置墊江縣亦屬巴郡

都沃縣屬九德郡並初學記

鹽池在河東安邑縣有司鹽都尉書鈔○御覽引此下云別領兵五千

章安本鄆縣南之回浦鄉漢章帝章和中立

北陵本名陵而廣陵郡舊有陵縣晉武帝太康二年以下邳之陵縣非舊土而同名改為北陵

安城郡屬荊州

長廣郡故屬東萊

義陽郡屬荊州

宜都郡吳分南郡立

巴東屬梁州有漢昌縣

秭歸有歸鄉故夔子國楚滅之
北陰平故廣漢屬南都尉

南上洛分京兆立上洛郡屬司隸

梓潼郡劉氏分廣漢立

汶山漢武帝立孝宣地節三年合屬郡

興樂太康元年更名興樂本曰白馬屬汶山

興古郡故牂牁

寧浦武帝太康七年改合浦屬國都尉立

寧浦本名昌平武帝太康元年更名並未書

常山曲陽有恒山坂號飛狐口上壺關縣又有羊腸
坂

潘縣更屬廣寧郡

嶺峻阻螺轉上踰九磴二里至頂下七里平行十里

至亭一名橫亭一名塞上嶺

自北地郡北行九百里五原塞卽此地後漢光祿徐

自爲出五原塞數百里築城障列亭至廬胸山卽今

縣北光祿塞是也

自華當作葉

至泚陽南北連百里號爲方城亦曰長城

河南陽城縣是為土中夏至之景只有五寸所以為候

塗山古當塗國

路史引作當塗縣古當塗國

夏禹所娶也西南又

有禹村蓋禹會諸侯於塗山在禹貢揚州之域今九

江當塗縣有娶之地邑界有當塗山故城存焉即漢

縣

沂縣

路史引作沂縣

有蒲谷鄉弦中谷乃雍州之弦蒲也

路史

引此下云在沂縣北

鴈門馬邑縣秦時建此城輒崩不成有馬周旋馳走

反覆父老異之因以築城遂名馬邑

漢書地理志注引此同

雲南青蛉縣出碧

梓潼縣出傘子鹽

朱崖儋耳無水唯種大瓠藤斷其汁用之亦足

並御覽

陳留先有陳留縣以北有大城故此號小陳留城

梁國有烏縣

臨濟縣屬濟南郡管叔後又封於此齊滅管故其子

孫仕齊

故祝其城在郊東九十里春秋定公十年公會齊侯

于祝其實夾谷地漢以為祝其縣
安定郡領臨涇朝那烏氏鶉觚陰密西川六縣屬雍

州渭源武街南臨涇會林縣及徒飲此齊郡管如其石
介山一名孤山在萬泉縣南一里晉文公臣介之推

從文公逃難返國賞不及怨而匿此山文公求之推

不出乃封三百里之地又號為介山用文在良

舜受禪安邑或云蒲阪初學記引此云舜都安邑

秦築長城起自碣石

江沱在繁縣古因以繁城後各風子

都安縣屬汝山郡

吳封季札州來而居延陵故曰延州

海鹽漢鹽官也漢書曰古賦上卷立公新編以海

吳分章安置臨海縣屬會稽郡少帝時置臨海郡縣

屬焉吳分章安置臨海縣屬會稽郡少帝時置臨海郡縣

贛縣屬南康郡

省丹興縣郡移理漢復領漢葭浩水漢平萬寧等五

縣漢平萬寧等五

萬寧在郡南水道九百里魏志

漢葭

在郡東百里澧源出縣界

蕪春改屬弋陽郡

孫叔敖本期思城人爲楚令尹

塗山在壽春東北

東海復有曲陽故此爲西曲陽縣

安康縣屬魏興郡

咸康三年以松滋流戶在荆土者立松滋縣以隸河

東郡邑也

清水屬畧陽郡

上邽屬天水郡

並寰宇記

有東西二鄆西鄆魯公所居今濟之鄆城東鄆卽此也

曲阿本名雲陽秦始皇鑿北坑以敗其勢截其道使

阿曲而名

並路史

馬湖馬嶺山有虺毒甚殺人有冷石可以解之

本草綱目

河南城內南北九里七十步東西六里十步爲地三

百頃一十二畝有三十六

下皆元康地記

城東北隅威烈王家

章安縣本鄞縣南之迴浦鄉章帝章和元年立並後漢書

注 後與獼猴不共山宿臨旦相呼文選

荆州於古蠻服之地覽御



宋劉澂之永初山川記

侯官姜 增海樵參

金谿王 謨仁甫輯

高祖卽帝位於汜水之陽

黎陽有白馬塞孟達登之長歎

譙郡鄆縣東北有棘津亭故邑呂尙所困處也

介山卽汾山子推逃隱於是山

酈道元云卽實非也子推所隱者緜山也

在西河介休縣

陸渾縣有孤山西有伏流陂

大石山在洛東北

新安有澗水源山北縣又有澗水未知其源

酈道元云並無

澗水但澗澗字相似錯為澗也

孝水出檀山檀山在宜陽縣西在穀水南

洛陽城之西面有陽渠周公制之也

有水從沔陽縣南至梓潼漢壽入大穴暗通口山

水經濮水源出大驪山東北流注泗衛靈聞音於水

上殊為乖矣酈道元云水經為濮水不為濮也

蕭縣南有冒山

白溝水

酈道元云俗名淨淨溝

安陂水旁有凌冢

彭城西南有彌黎城

東莞縣箕山許由之所隱

陶朱冢在華容縣之西南

夏水古文以為滄浪鮫水所歌也

沅水自胡須枝分跨三十三渡逕交阯龍編縣東北

入於海

黃水東北流一涯谿通四會

贛縣東南有章水西有貢水縣治二水之間二水合

贛字因以名縣焉酈道元云劉氏專以水說水而不知遠失其水實矣

三澁在竟陵縣界並水經注

蒲坂城中有舜廟城外有舜宅及二妃壇史記正義

寧州鄣氣萑露四時不絕萑草名有毒其上露觸之

肉卽潰爛

肴有純石或謂石肴並文選注。此條引劉澄之地理書

北海有鄭元儒林講堂

永康縣縉雲堂黃帝鍊丹處

彭城西南有項羽戲馬臺

魏武聽政殿前有聽政門門首有靈鑪

興平縣蔡子池南有石穴深二百許丈石青色堪爲

硯

宜都郡有二大石一爲陽一爲陰鞭陰石則雨鞭陽

石則晴漢書地理志云宜都之石也

梓澤地名去王城二十四里

費縣有積弩堂積弩堂在費縣

廣陵縣東有梅池池水不枯黃白而黑煎以水藥之

建城縣西有羊山有然石色黃白而理疎以水灌之

便熱可煮物故謂之然石寰宇記引此云以水灌之便熱若石灰以鼎置上烹

煮可熟 艾縣有熱泉如湯以生物投之須臾爛熟並初學記

大伾古黎國也詩云黎侯寓於衛以中露泥中二句

觀之寰宇記引作衛以中露泥中二邑處之 乃國名也

宛陵北有敬亭山山有神祠即謝朓賽雨寰宇記賦作賽神

詩之所其神云梓華府君頗有靈驗

昭山下有泉潭深無底是湘水最深之處昔有舟人

沒於此潭其糟并甑有名題號後於洞庭尋得即知

暗通也

漢水古為滄浪即魚父所云滄浪之水清兮今滄浪

之水合流出鐔城北界山北蓋後人名之非古滄浪

也寰宇記引此云沔口古文以為滄浪水即屈原遇漁父所云滄浪之水清兮是也

安定處山谷之間昆戎舊壤迫近夷狄修習武備人

皆以馳射為事

鼓山有石鼓形二所南北相當二鼓相去十里寰宇記引

此云俗語云南鼓北鼓相去十五

永初山川記

九真都龍縣有雷廬羊大如犛牛

髯蛇吞鹿至角乃止

始興郡有大蛇名青蔥有大蛇名赤頸

石鄉有石室有仇生者居焉

祝雞翁者洛陽人居尸鄉山下養雞百餘年

昌陽縣有昌水

安邑有昆吾亭古昆吾國也

臨安縣有石鏡在山之東峯

安帝義熙元年省射陽縣分廣陵之鹽城地立山陽

東城左鄉三縣為山陽郡屬南徐山

沔陽縣東有魯山山上有胡公祠

安陸居鄖城

吉陽縣西有九宗山

雲夢澤一名巴邱湖荊州之藪故魏武帝與吳主書

云赤壁之困過雲夢澤中有大霧遂便失道

並寰宇記

東魏書
卷之八
公廡
附錄
山



